



МЕСЯЦА ИЮЛЯ В 31-й ДЕНЬ

**Предпразднство происхождѣния
Честнаго и Животворящаго Креста Господня
и святаго праведнаго Евдокима**

НА ВЕЧЕРНИ

На Господи, возвахъ: стихиры Креста, глас 1.

Подобен: Небесныхъ чинѣвъ:



Сякое естество человѣческое, ныне
предпразднуя, / радостно да играетъ: / Кре-
стное бо Древо хощетъ предположитися, /
всемъ вѣрнымъ врачевство неизживаемое, / и
недуговъ решительно, и страстей, / и всякаго озлоб-
ленія.

**Приидите, видим, вѣрнии, странное чудо, / како
Крестное Древо / уставляетъ опаленіе всякаго
недуга / и страстейъ зной угашаетъ / предпраздну-
ющихъ верою / и того почитающихъ торжество.**

**Живущии вкупе и умершии, предпразднуйте: /
жизни бо древо, еже а́да уморившее, / хранитель
человѣковъ, / мертвыхъ воскресеніе грядетъ, / всемъ
независтную благодатьъ ныне подати, / человѣкомъ
исцеленія.**

Ины стихиры святаго, глас 8.

Подобен: О, преславнаго чудесе:

**Блаженне Богомудре Евдокиме, / чистая твоя
душа, / правовѣрнымъ смысломъ сияючи, / облистаетъ
добродѣтелей свѣтлостію / и озаряетъ вѣрныхъ ис-
полненіе, / бесѣвъ тьму отгоняючи. / Темже яко**

причастника невечерняя благодати / ты благочестно вси почитаем, досточудне.

Имѣя душу милостиву, / и чист помысл, и сердце бодрое, / веру неблазненную / и любовь воистинну нелицемерную, / от земли преставился еси к Небесным / и с лики праведных водворяешися. / Тѣмже чтим ты священными пѣснями / и благочестивно вси ублажаем, / блаженне Евдокиме.

Божественными учении укрепляясь, / страсти плотскія от души отгналъ еси / и Святыя Троицы селение чисто был еси. / Тѣмже к Божественному наслаждению отшел еси, / Богу, соблюдающе ныне нерушимо / твоѣ, блаженне, тело, / Божественными судьбами, имиже Сам вѣсть, / прославляяй ты яже, Евдокиме.

Слава, глас 1:

Како не дивимся благоумию твоему / или не похвалим, преподобне Евдокиме, житие твоѣ равноангельное, / помысла целомудрию, кротости твоей, / и смирению, и безмолвию, и милостыни непрестанней? / Всеми бо добродетельми украсился еси, блаженне, / тѣмже ждет тебе неизглаголанная радость / и Небесное Царствие.

И ныне, глас тойже:

Днесь яко воистинну / святовецанный глагол Давидов конецъ прият, / се бо яже пречистых ног Твоихъ поклоняемся подножию / и, на сень крилу Твоею надеющися, / Всещедрый, вопиѣм Ти: / да знаменается на нас свет лица Твоего, / православныхъ людей Твоихъ рог вознеси / Честнаго Креста Твоего воздвижением, / Христѣ Многомилостиве.

На стиховне Октѣиха.

Слава, и ныне, глас 2, самогласен:

Ты ми покров державен еси, / тричастный Кресте Христовъ, / освяти мя силою твоею, / яко да верою и любовью поклоняюся и славлю тя.

Тропарь святаго, глас 4:

От земли воззавый ты к Небеснымъ селениемъ / соблюдает и по смерти невредимо тело твоѣ, святе Евдокиме: / ты бо в целомудрии и чистом

жительство, блаженне, / жительствовавал еси, не осквернив плоти. / Темже со дерзновением моли Христа Бога спастися нам.

Слава, и ныне, тропарь Креста, глас 1:

Спаси, Господи, люди Твоя / и благослови достояние Твое, / победы на сопротивных даруя / и Твое сохраняя Крестом Твоим жительство.

НА УТРЕНИ

На Бог Господь: тропарь Креста, дважды. Слава, святого. И ныне, Креста. Канон Октоиха един, и Креста на 4, и святого на 4.

Канон Креста, глас 1.

Песнь 1

Ирмос: Песнь победную поим вси Богу, / сотворшему дивная чудеса мышцею высокою / и спасшему Израиля, / яко прославися.

Крест предгрядый Божественный испущает зарю благодати / и просвещает вся, поклоняющиеся ему / и воспевающие благочестно распеншагося Христа.

Креста поклоняние возвышает любовь и верою славящая / яко Бога и Господа, пострадавшего плотию / и наздавшего нас Божественными страданиями.

Креста поклоняние источает благовоние дарований, / и вся, яже Христа славящая, объухает присно, / и смрад душ отъемлет весь.

Богородичен: Познавше Господа, воплощагося из Тебе, Богоневесто, / и Крест и смерть приемша, / поем Его, Избавителя, Тя ублажающе.

Канон святого, глас 2.

Песнь 1

Ирмос: Во глубине постла иногда / фараонитское всевоинство преоруженная сила, / воплощающееся же Слово всезлбный грех потребило есть: / препрославленный Господь славно бо прославися.

Высоко житие имея и восхождению Божественными весь светел быв, / просвещение ми испроси, восхваляющему честныя твоя подвиги, / имиже

дóбре пож́ив, получи́л еси́, Евдоки́ме, ихже надé-
ялся еси́.

Мирово́нная любя́ учéния и во чтéнии Священ-
ных Писа́ний упражня́ся, / сласте́й уклони́лся
еси́, всеблаже́нне, смра́дных и безче́стных / и
облагово́нился еси́, Божéственными дарова́нии
украша́емь.

Дремáние о́чию от души́, блаже́нне, отгна́л еси́,
бдя и Бо́гу приедина́йся, / всенóщными стоя́нии,
непрекло́нен ну́ждами естества́, / тэмже ко дню
невечéрнему дости́гл еси́.

Богорóдичен: Я́ко черто́г одушевлéн Бо́жий и
кади́льницу мы́сленнаго и светно́снаго у́гля, /
присно́ благодáтную ублажа́ем Богорóдицу, зову́-
ще: / ра́дуйся, Ходáтаице спаси́тельнаго воскресé-
ния.

Песнь 3

Ирмо́с: Да утвер́дится се́рдце моé в во́ли Твоéй,
Христé Бо́же, / И́же над вода́ми не́бо утвержде́й
второ́е / и основа́вый на вода́х зéмлю, Всеси́льне.

И́же во образах проначерта́емьй, соверша́я
пресла́вная чудеса́, / ны́не покланя́емьй Крест
дéйствует чу́днейшая, / освяща́я и просвеща́я
Зижд́ителя сла́вляция.

И́же во бранéх Божéственная побéда, Крест
Христóв покланя́емь, / ополчéния враго́в побеж-
да́яй, / подава́ет лю́дем правосла́вным крéпкия
побéды.

Жезл Госпо́день предположе́нный, / Крест во
хра́мах и жили́щах основа́ния незы́блема сих
соблюда́ет / и всяк прило́г и кова́рство сопроти́в-
ных побежда́ет.

И́же Госпо́день покланя́емьй Крест бла-
гочéстно / Божéственныя благодáти и кажéния
мы́сленна исполня́ет покланя́ющияся ему́ / и о́бла-
ки напа́стей отъéмлет и скорбéй.

Богорóдичен: От глубины́ лéстных извлече́
человéчество / из Тебé Рождéйся Дрэвом Крé-
стным, Богорóдице, / и возвы́си к разумéнию
Своему́ благочéстно Тя сла́вляция.

Ин

Ирмо́с: На ка́мени мя véры утверди́в, / разшири́л
еси́ уста́ моя́ на враги́ моя́, / возвесели́ бо ся дух

мой, вневгда пѣти: / несть свят, якоже Бог наш, / и несть праведен, паче Тебѣ Господи.

Глаголом животочным внимая, испил еси воду спасения, / возгнушався горькаго греха, и, поя, глаголал еси Богу, Евдокиме: / яко несть свят, паче Тебѣ, Господи.

Милование стяжал еси христоподражательное, раздал еси богатство требующим, / Небесное же богатство, ходатайствующее тебѣ, получил еси, вопия, Евдокиме: / яко несть свят, паче Тебѣ, Господи.

Присвоився Зиждителю любовию Божественною, / приял еси Небесное наследие, и дрѣва животнаго причастник еси, / общением обожаемъ, и, поя, славне, глаголал еси: / яко несть свят, паче Тебѣ, Господи.

Богородичен: Сущи Ангел честнейши, / Зиждителя Ангелов во утробѣ носила еси и родила еси неизреченно. / Емуже вси поем: / Ты еси Бог наш, и несть свят, паче Тебѣ, Господи.

Седален святаго, глас 4:

Благоволѣв благими деянии, искусился еси, яко злато в пещи, напастми, Евдокиме славне, / темже и по смерти источаеши богато чудеса, яко воды, / и недуги уставляеши, о нас присно моляся, / яко да согрешений прощѣние прийдем.

Слава, и ныне, Креста, глас 4.

Подобен: Вознесѣйся:

Свѣтло небо показуется паче солнца свѣтом Крестным, / просвещаетъ всяческая зарею своею. / Темже Ты, Человеколюбче, Спасе всяческих, / просвети ум наш его ради и чувства: / мы бо имамы того оружье миру, непобѣдимуую побѣду.

Песнь 4

Ирмос: Духом провидя, пророче Аввакуме, Словесе воплощѣние, / проповѣдал еси, вопия: / вневгда приблизитися лѣтом — познаешися, / вневгда прити времени — покажешися. / Слава силѣ Твоей, Господи.

Воображаемъ, Божественный и Честный Крест тмы начальника отгоняетъ твѣрдо от воздуха, / и

благодати лучи воображающим простирает, / и озаряет сих, поющих Христа Бога.

Воображаемь, Божественный и пречестный Крест в сердцах / море утишает страстей, и уставляет бед треволения, / и в тишину преводит правости вся, любовьию воображающих того.

Якоже углие, испущая, Честный Крест действия вся посылает вражия, / и отгонит силу, и облегчает многия в вере, / хвляющия и поющих любовьию на нем пригвождагося Христа.

Всечестный и Божественный Крест, верою поклоняемь, / источает струи мысленныя дарований и воды исцелений / и напаяет непрестанно сему поклоняющихся и чтущия.

Богородичен: Яко всех Царицу и Владычицу нашу Тя любовьию славим, Пресвятая Чистая, / просвещшиися страстьми Сына Твоего и познавшии Сего всем Благодетеля: / слава благодати Его.

Ин

Ирмос: Пришел еси от Девы не ходатай, ни Ангел, / но Сам, Господи, воплощся, / и спас еси всего мя, человека. / Тем зову Ти: слава силе Твоей, Господи.

Учения отеческая храня невредимо, / православным мудрованием, ты от младенства имел еси житие нескверное / и милостивен нрав, досточудне.

Ни молва мирская, ни власти держание, ни слава временная / твоего к Богу желания преврати, Евдокиме, / но благоволил еси воистинну Божественным деянием.

Возвышаемь Божественными поучении всегда, врага смирил еси, / исцелений действо приял еси, Евдокиме, / судом праведным вся Управляющего.

Искапаючи сладость рака мощей твоих богатых исцелений, / страсти отгоняет, Евдокиме, верою чтущих тя / и посылает бесов вся полки.

Богородичен: Всепетая, воинствы Горними певаемого Бога родила еси, / Человека воистинну бывша, / Егоже о рабах Твоих молящи не престаи, Приснодево.

Песнь 5

Ирмос: *Свѣтлый нам возсияй Свет Присносущный, / утренюющим о судьбахъ заповедей Твоихъ, / Владыко Человеколюбче, Христѣ, Боже наш.*

Державному нашему и недвижимому оружию предлежащу, / ныне покланяющесе пресвятому Кресту верою, / силу непобедиму на враги приемлем.

Воображаемаго и несекомаго камене сотворша воду источити / ныне держаще и покланяющесе Честному Кресту, / источникъ дарованийъ приемлем.

Златосиянен нам Крестъ Христовъ являяся, / дарования душамъ подаваетъ благодатию, / покланяющимся ему и Господа и Бога поющимъ присно.

Богородичен: *Жезл силы, Богоневесто, верою держаще, / Сына Твоего и Бога нашего Крест, / поемъ Тя, Царицу всех, ублажающе.*

Ин

Ирмос: *Просвѣщеніе во тьме лежащихъ, / спасеніе отчаянныхъ, Христѣ, Спасе мой, / к Тебѣ утренюю, Царю мѣра, / просвети мя сияніемъ Твоимъ, / иного бо, разве Тебѣ, бога не знаю.*

Зарю чисто Святыя Троицы просвещен, законъ же Сея огражден, / ночь житія непреткновенно преминул еси, / виденіи Божественными окриляемъ, блаженне, / и в Божественную жизнь вселился еси.

Ныне на тебѣ чудо велие зрится и ужаса исполнено: / како по погребеніи воистинну много летъ соблюдеся нерушимо, блаженне, твое тело, во гробѣ лежащее, / судьбами, имиже вестъ Сам, прославляяй тя.

Благоже твоему к Богу дерзновенію, благоже желанію, еже в сердцахъ к Нему имѣл еси: / благо поживъ тезоименно, просиял еси преславно Божественными светлостями / и уяснил еси верныхъ совокупленія.

Богородичен: *О нас из Тебѣ воплощеннаго, Дѣво Мати, всегда моли, / благочестно Тя блажащихъ, избавитися бедъ, и душетленныхъ страстей и печалей, / и вѣчнующаго пламене мученія.*

Песнь 6

Ирмос: Пророка Иону подражая, вопию: / живот мой, Блаже, свободи из тли / и спаси мя, Спасе мира, зовуща: слава Тебе.

Пречестный Крест, поклоняемый ныне, / воскресения радость провозвещает Христова, / и смерть злоначальника благовествуется.

Водрузил еси на земли Честный Крест, / лествица бываает верным мысленна к Небеси / и возшествие поклоняющимся ему и чтущим.

Иже посреде земли насадивыйся, Честный Крест / и ныне ветви простирает дарований в себе / и вся осеняет, поклоняющиеся ему.

Пресекий Чермное, прописуемь, Крест, поклоняемь ныне, / бед и страстей море пресекает, / и спасает поклоняющиеся ему.

Богородичен: От земли привлече нас Сын Твой и Бог к Небесней жизни, возшед на Крест, / любовь Тя, Матерь Сего, воистинну чтущих.

Ин

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Течения сладкая искапаху, блаженне, потоки твой и радования, / исцелений сияние во хвалу Христа Бога нашего.

Во дворех Божиих процвел еси, виноград многоплоден прозябый, / и добродетелей гроздие делателю душам обильно подав.

Царства Божия возжелел еси и, над страстьми царствовав, Евдокиме, по благоволению лучшему радость праведных получил еси.

Богородичен: Избранна Богу бывши, яко красное село и пространное, / Сему, Дево, была еси и чертог, и свещник, и трапеза.

Кондак, глас 2:

Вышних желая, с вышними совокупляясь, / и колесницу огненную, Божественными восхождениемми добродетелей, совершил еси душу, / преблаженне Евдокиме, / на земли пожив, яко Безплотен, / Зиждителю всех благоугодил еси.

Икос:

Житиё сугубо показал еси правою, блаженне, верою, / во обоём Богу благоугодив, Евдокиме. / Тёмже обрел еси Небеснаго Царствия наследие / и, со святыми ныне живый, Владыце всех предстоящи; / твоё же тело скверны соблюл еси кроме / и нерушимое любовью чтущим тя оставил еси: / чисто бо пожив, славне, Зиждителю всех благоугодил еси.

Песнь 7

Ирмос: *Сущим в пещи отроком Твоим, Спасе, / не прикоснуса, ниже стужа, огонь. / Тогда трие, яко едиными усты, пояху / и благословляху, глаголюще: / благословен Бог отец наших.*

Иже честною кровию Христовою Крест Его напоився, / источает реки сиянии мысленных дарований / и напаяет вся, поклоняющихся и воспевающих его верно.

Иже смерть и враги низлож Крест Христов и верей сокруши мысленныя, / и ныне тому чистою верою и любовью поклоняющимся / всем двери отверзает жизни и нетленные пищи.

Иже поклоняющееся любовью Кресту, ограждаются силою сего, / и враги мысленныя и видимыя отгонят, / и невредимы соблюдаются песнословащи Христа.

Богородичен: Крепость нам и держава на враги даровася — / Крест Христа, Сына Твоего, приятным и матерним Твоим дерзновением, / имже, Богоневесто, прилоги вражия побеждаем.

Ин

Ирмос: *Богпротивное веление / беззаконноущаго мучителя / высок пламень вознесло есть. / Христос же простре Богочестивым отроком росу духовную, / Сый благословен и препрославлен.*

Крепостию вжилвися Живодавца, плоти удержал еси желания, пребогате, / и ум вперил еси к Небесным, поя крепко: / сый благословен Бог и препрославлен.

Сам ся неблагородна сотвори, благородны нравы стяжав ума целостию, / поучением же упражняйся богодохновенных писаний, / все твоё желание на Бога Всевида, блаженне, возложил еси.

Вѣшняяго Царства, Вѣшняяго же града, Божия рай, / праведных наслаждения пищи нетленные и богатства некрадомага, / Света невечерняго сподобился еси, блаженне Евдокиме.

Богородичен: **Егоже** родила еси, Владычице, присно моли / от работы избавити мя страстей и осуждения, и стужающаго ми лютаго отчаяния, / и от оскорбляющих мя, Чистая, одержания, Богорядованная.

Песнь 8

Ирмос: **Егоже** ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и превозносите во вся веки.

Егоже водрузи смерть, поставленный Крест, ныне покланяема зряще, / мысленная вражия ополчения скрываются под землею, / и покланяющийся ему обновляются.

Егоже, древле прообразуема, на высотѣ Небесней Христос показа, пресветлаго Креста, / тому ныне покланяюща, благочестно вернии возвышаются / и сего уясняются зарею.

Егоже древле проповедаша пророцы неложно, еже Христову подножию явитися Креста, / емуже ныне мы истинно покланяюща верно, / того богатых даров наслаждаемся.

Богородичен: **Иже** страстию безстрастие источив земным, Сын Твой и Господь, Дево, / Тобою нас, Тя любовью поющая, присно обновляет, / яко Благодетель.

Ин

Ирмос: **В** пещи отрочестей прообразил еси иногда Твою Матерь, Господи, / образ же Сия из огня изымаше неопально входящая. / Юже поем явльшуюся Тобою концем днесь, / и превозносим во вся веки.

Огнь помышляя страшный, пред престолом Христовым хотящ изыти, / умилением сердца теплы изливаеши капли слез, / погашающая тебе страстей пещь, Евдокиме Богомудре.

Все приложил еси к Богу, мудре, душевное око / и Тому прилепился еси, вопия псаломски: / Христе

мой, кáла мя избáви и смертоно́сных страсте́й во ве́ки.

Терпéнием пождáтель и сёрдцем смире́н ты был еси́, / мѣлостив трéбующим и, обы́чай принося́ благ и нра́вы добродетельны, всечестне, / в нѣхже дóбре пожив, чудес то́чиши благодáть.

Рáзум имéя Божéствен, исполнителъ Влады́чных явилъ еси́ словес, / десны́я любя́ стезы́, левыхъ я́ве уклоня́ся, я́ко благоу́мен и мудр. / Тёмже ты почита́ем, Богомудре, во ве́ки.

Богородичен: Ада́мов Содетелъ от кровей Твои́х чѣстныхъ зи́ждется / и млеко́м пита́ется, Пита́яя всякое дыха́ние, Де́во Богородице, / тёмже я́ко Бóжию Тя сла́вим Ма́терь.

Песнь 9

Ирмос: Светоно́сный о́блак, / в онъже всех Влады́ка, / я́ко дождь с Небесé на руно́, снѣде / и воплотѣ́ся нас ра́ди, / быв Человéк, Безначáльный, / велича́ем вси я́ко Ма́терь Бóга нáшего Чѣстную.

Безсмёртия то́чит и нетлénия незавѣстны кáпли Честный́ Крестъ клáняющимся ему́, / оживля́ет, очища́ет, и обновля́ет, и сла́вы лúчшия и благодати сподобля́ет / воспева́ющия на томъ пригвóздшагося Иисúса.

Действа испущáя, я́коже пресвётлы зарѣ́, всечестный́ Крестъ / томú поклоня́ющияся любóвию и вéрою чѣстою / к свéту непристúпному и невещéственному, озаря́я, направля́ет, / воспева́ющия всехъ Творца́.

Освятѣ́вый Дре́во пресвята́го Креста́ Твоегó честно́ю крóвию Твоею, Преблагѣ́й Сло́ве, / действомъ его́ нас просветѣ́ и освятѣ́, томú клáняющимся / и воспева́ющия Влады́ку всечестныхъ.

Богородичен: Па́че со́лнца всемъ просия́вшая благодáть о́блаки бед и страсте́й отгóнит, Де́во, / и Богоразу́мня свéтомъ просвещáет любóвию Тя сла́влящия / и пою́щия непрестáнно Сы́на Твоегó, я́ко Влады́ку всехъ.

Ин

Ирмос: Безначáльна Родѣ́теля Сынъ, Бог и Господь, / вопло́щся от Дéвы, нам явѣ́ся, / омрачénная

просветити, собрати расточенная. / Тем Всепетую Богородицу величаем.

Видети желая славу Бога нашего, добродетельми Богоразумия тебе удобрил еси / и священосец во светлый чертог вшел еси, / со Ангелы живый, и яснее наслаждаешься Боговидения.

Яко утро, яко солнце, возсия память твоя, сущая во мrance сердца просвещаючи: / ты бо и света и дне войстинну сын явился еси, Богомудре Евдокиме. / Сего ради ты почитаем.

Мудростию украшаемь и разумом просвещен, смирением сердца удобрен, / высотю жития сияя, к мысленным прешел еси двором, / идеже нас помяни, почитающих тя, Евдокиме.

День празднственный и пользы ходатайственный честный твой совершаем, от земли преставления: / ты бо Господень угольник и Того заповедей делатель явился еси непостыден, / досточудне Евдокиме.

Богородичен: Света приятелище утроба Твоя бысть, просвещшаго мир, Богорадованная, / темже молю тя, окаянный: / светлы зары ми подаждь мольбами, Богоневесто, Евдокима Богомудраго.

Светилен Октоиха. Слава, святого:

Якоже солнце, блистая, зары испущаеши чудес, / просвещая всех сердца, твою славную память творящих верно, треблаженне, / и спасаеши, Евдокиме.

И ныне, Креста:

Подобен: Жены, услышите:

Крест предпразднуется, и мир освящается, / чини Ангельстии поют нас ради распеншагося, / и торжествуют с нами, и срадуются, давидски зовуще: / содела спасение посреде земли, Владыко.

На стиховне Октоиха. Слава, глас 1:

Како не дивимся благоумию твоему / или не похвалим, преподобне Евдокиме, житие твое равнoангельное, / помысла целомудрию, кротости твоей, / и смирению, и безмолвию, и милостыни непрестанней? / Всеми бо добродетельми украсился еси, блаженне, / темже ждет тебе неизглаголанная радость / и Небесное Царствие.

И ныне, Крестá, глас 6:

Пророчестии гласи Древо свято́е провозвестíша, / ѿмже дрéвняя кля́твы смéртныя свободíся Ада́м, / тварь же, днесь возно́симу, то́му совозвы́шает глас, / я́же от Бо́га прося́щи богáтыя мило́сти. / Но, еди́ный во благоутро́бии безме́рный Влады́ко, / очище́ние бу́ди нам / и спаси́ ду́ши на́ша.

НА ЛИТУРГИИ

Прокíмен, глас 7: Честна́ пред Го́сподем / смерть препо́добных Егó. Стих: Чтó возда́м Го́сподеви о всех, я́же воздаде́ ми? Апóстол к Галáтом, зачáло 213. Аллилу́ия, глас 6: Блаже́н муж, бойи́ся Го́спода: Стих: Си́льно на земл́и бу́дет се́мя егó. Ева́нгелие от Матфе́я, зачáло 43. Прича́стен: В па́мять ве́чную бу́дет пра́ведник:

Святой праведный Евдоким родился в IX веке в Каппадокии (Малая Азия) в семье благочестивых христиан Василия и Евдокии. В царствование императора Феофила (829—842) он служил в его войске. Святой Евдоким отличался добродетельной жизнью, усердно исполнял заповеди Божии, благоговейно постился и любил молитву, слезно каялся в своих грехах. Он прилежно изучал Священное Писание, которое научило его быть целомудренным и милосердным: помогать вдовам и сиротам, жертвовать от своего имения на храмы и монастыри. Уже в юности праведный Евдоким дал обет целомудрия и никогда не только не общался с женщинами, но избегал даже случайных разговоров с ними. Только с матерью, которую глубоко почитал, он вел душеспасительные беседы. Святой Евдоким избегал празднословия и устранился от тех, кто осуждает других и пустословит. Среди суетного мира он, усердно исполняя свои гражданские обязанности, совершал внутреннее духовное делание, вел непрестанную борьбу с грехом и немощной плотью.

Добродетельная жизнь праведного Евдокима расположила к нему императора Феофила, который назначил святого правителем Харсианской области в западной части Каппадокии. Святой Евдоким справедливо управлял народом, помогал бедным, защищал обиженных. Угодив

своей святой жизнью Богу, он мирно скончался 31 июля в тридцатитрехлетнем возрасте. Перед блаженной кончиной он завещал совершить погребение в тех одеждах, в которых застанет его смерть. Он молил Бога, чтобы никто не присутствовал при его кончине, и Господь исполнил желание праведника.

Сразу же после кончины праведного Евдокима Господь прославил его святыи мощи, от которых стали совершаться исцеления больных и бесноватых. Со всех сторон Харсианской области к могиле святого стали стекаться страждущие различными недугами, которые исцелялись даже от земли, взятой с могилы праведного Евдокима. Благодарный народ построил над могилой праведника надгробную сень с теплившейся в ней лампадой. Масло от лампады становилось также целебным.

Через полтора года известия о чудесах достигли Константинополя. Мать праведного Евдокима посетила могилу своего сына в Харсианской области и по ее просьбе гроб извлекли из-под земли. Когда гроб открыли, все увидели праведника, как бы спящего. От его нетленных мощей исходило благоухание. Некий иеромонах по имени Иосиф облачил святыи мощи в новую одежду, и они были положены в новой гробнице на поверхности земли. Евдокия хотела увезти мощи сына в Константинополь, но местные жители не позволили этого сделать.

Иеромонах Иосиф стал хранителем святых мощей. Через некоторое время он перенес святыню в Константинополь, где честные мощи были положены в храме в честь Пресвятой Богородицы, построенном родителями праведного Евдокима. Предполагают, что перенесение святых мощей состоялось 6 июля. По дороге, а также в самом Константинополе совершились многие исцеления болящих. Жизнеописатель праведника, который был или его современником или жил вскоре после его кончины, пишет: «Не достанет ни времени, ни слова, ни рук к описанию чудес, которые он (праведный Евдоким) совершил на месте погребения и которые совершает теперь по перенесении сюда (в Константинополь)».

Русский паломник Антоний, посетивший Константинополь в 1200 году, так писал о святых мощах праведного Евдокима: «У столпа, по стороне Богородицына монастыря, лежит новый чудотворец Евдоким в серебряне гробе, аки жив». В Русской Церкви

праведный Евдоким почитается особым покровителем и молитвенником перед Богом. В одной старинной рукописи отображено народное верование о помощи праведного Евдокима в житейских делах: «Когда в новый дом всходишь, то вспомни себе святых праведных Богоотец Акима и Анну и святого праведного Евдокима, то тебе и дому всегда защитники будут... Еще, когда венчаться будешь, то вспомни ангела Евдокима...»

Литература

1. Димитрий (Самбикин), архиепископ. Месяцеслов святых, всею Русскою Церковью или местно чтимых. Вып. 11, июль. Тверь, 1901, с. 354.
2. Сергей (Спасский), архимандрит. Полный месяцеслов Востока, т. 2. М., 1876, с. 221.
3. Избранные жития святых Православной Церкви. Июль. Сост. Кутейников. СПб., 1886, с. 662—664.





Чтѣнія Богородичная

Бытія чтѣние (глава 28):

Изыде Иаков от студенца клятвеннаго / и иде в Харрань. / И обрете место, и спа тамо, / зайде бо солнце, / и взят от камня места того, и положи возглавие себе, / и спа на месте оном, и сон виде: / и се лѣствица утверждена на земли, / еяже глава досязаше до Небес, / и Ангели Божии восхождаху и низхождаху по ней, / Господь же утверждашеся на ней и рече: / Аз Бог Авраамов, отца твоего, / и Бог Исааков, не бойся: / земля, идеже ты спиши на ней, / тебе дам ю и семени твоему. / И будет семя твоё, яко песок земный, / и распространится на море, и ливу, и север, и на восток, / и возблаговостятся о тебе вся колена земная и о семени твоём. / И се аз с тобою, сохраняяй ты на всяком пути, / яко не имам тебе оставити, / дондеже сотворити Ми вся, елика глаголах тебе. / И воста Иаков от сна своего и рече: / яко есть Господь на месте сем, аз же не ведех. / И убойся, и рече: / яко страшно место сие, / несть сие, но дом Божий, / и сия врата Небесная.

Пророчества Иезекиилева чтѣние (главы 43 и 44):

Тако глаголет Господь: / будет от дне осмаго и прочее, / сотворят иереи на олтари всесожжения вашего / и яже спасения вашего, / и приму вы, глаголет Адонай Господь. / И обрати мя на путь врат святых внешних, / зрящих на восток, и сия бяху затворена. / И рече Господь ко мне: / врата сия затворена будут и не отверзутся, / и никтоже пройдет сквозе их, / яко Господь Бог Израилев пройдет ими, и будут затворена. / Яко игумен сядет в них снести хлеб, / по пути Еламских врат внидет и по пути его изыдет. / И введе мя по пути врат святых, / сущих к северу, прямо храму, и видех, / и се исполнь славы храм Господень.

Притчей чтение (глава 9):

Премудрость созда Себе дом / и утверди столпов седмь. / Закла своя жертвенная, и раствори в чаши Своей вино, / и уготова Свою трапезу. / Посла Свою рабы, созываючи с высоким проповеданием на чашу, глаголющи: / иже есть безумен, да уклонится ко Мне, / и требующим ума рече: / приидите, ядите Мой хлеб и пейте вино, еже растворих вам. / Оставьте безумие, и живи будете, / и взыщите разума, да поживете, / и исправите разум в ведении. / Наказуяй злыя, примет себе безчестие, / обличаяй же нечестиваго, опорочит себе, / обличения бо нечестивому — раны ему. / Не обличай злых, да не возненавидят тебе, / обличай премудра, и возлюбит тя. / Дадь премудрому вино, и премудрший будет; / сказуй праведному, и приложит приимати. / Начало премудрости — страх Господень, / и совет святых — разум: / разумети бо закон, помысла есть благаго. / Сим бо образом многое поживеши время, / и приложатся тебе лета живота.

